



Kultur jarduerak berrezartzen dira eta Basterok irailaren 14an irekiko ditu berriz ateak

- **Kultura eta Hezkuntza Sailaren jarduerak irailean berrezarriko dira, eta urteko azken hiruhilekoan berriro gozatu ahal izango da zuzeneko ikuskizunez, zinemaz, erakusketaz eta ekitaldi ezberdinez**

Helburua da kultura-jarduerak eta -zerbitzuak berriro martxan jartzea, eta ekipamendu eta espazio guztiak berriro ere herritarren eskura jartzea, betiere segurtasun-neurriak mantenduz. Horretarako, jarduketa-eremuetan edukiera-protokoloak eta -murrizketak ezarriko dira, Covid-19n ezarritako neurrien arabera. Hemen kontsultatu daitezke: www.bastero.eus / www.andoain.eus

Irailaren 14tik aurrera, **Bastero Kulturguneko leihatila** herritarrei irekiko zaie, aldeztu aurretik hitzordua eskatuta. Hitzordua 943 303 540 telefonoan edo basteroataria@andoain.eus helbidean eskatu ahal izango da. Bertan Kultura eta Hezkuntza izapideak aurkeztu eta sarrerak eskuratu ahal izango dira.

Urigain Kultur Etxean herriko elkarte, talde edota herritarrek areto nagusia erabili ahal izango dute. Urigain erreserbatzeko eskaerarekin batera (www.andoain.eus webgunean eskuragarri), segurtasun-protokoloa sinatu beharko da.

Basterorako udazkeneko programazioa ere prestatu da, eta laster aurkeztuko dira honen xehetasunak. Txitxu Ruiz zinegotziaren arabera, "zuzeneko ikuskizunen ilusioa berreskuratu nahi dugu eta programazio interesgarria osatu dugu". Besteak beste, udaberrirako aurreikusita zeuden *Oreka Tx* eta *Golden Apple Quartet* taldeen emanaldiak birprogramatu dira, baita abenduan *Izaro* abeslaria bezalako emanaldi berriak gehitu ere. Helduentzako eta haurrentzako dantza eta antzerki ikuskizunak ere izango dira.

Zinema irailaren 12an hasiko da eta programazioa laster ikusi ahal izango da www.bastero.eus webgunean. Hala ere, ikusleek ahalik eta informazio gehien izan dezaten, kontingentzia-plan bat prestatu da, eta Basteroko ikuskizunetan aurreikusitako segurtasun-neurriak webgunean argitaratuko direla adieazten da.

Antzerki, zinema, musika eta dantza **ikuskizunetarako sarrerak** www.bastero.eus webgunean elektronikoki erostea eta telefono mugikorrean aurkeztea gomendatzen da. Udazkeneko programazioko sarrerak urriaren 10etik aurrera jarriko dira salgai, eta gehienez 5 sarrera banatuko dira pertsonako.



Andoaingo Udala



Sarrerak ostegunetan jarriko dituzte salgai, 10:00etatik 13:00etara eta 16:30etik 19:30era. Beste aukera da ikuskizuna hasi baino ordubete lehenago erostea Basteroko leihatilan. Leihatilan aurreko egunetan saldu ez diren sarrerak bakarrik egongo dira salgai.

Bestalde, ikastaro honetan **kultur ikastaroak** egiteko aukera ere izango da. Ikasle berriek irailaren 14tik 18ra eman ahal izango dute izena Basteroko leihatilan. Informazioa: <https://cutt.ly/wfRUN6u>

Udal liburutegia ere martxan egongo da, baina mailegu zerbitzua zita bidez izango da. Jendaurreko ordutegia astelehenetik ostegunera 10:00etatik 13:00etara eta 16:00etatik 20:00etara izango da. Ostiraletan, 10:00etatik 19:00etara.

Mailegu-eskaera www.liburubila.euskadi.eus katalogoan egin daiteke. Liburuzainak erabiltzailearekin harremanetan jarriko dira, eskatutakoa noiz jaso erabakitzeko. Horrez gain, 943 300 615 telefonora deitu edo 606 275 862 whatsapp helbidera idatzi ahal izango da mailegu-eskaera liburutegian bertan egiteko.

Fonoteka-bideotekak itxita jarraituko du. Irekiko balitz, aurrerago jakinaraziko da. Hala ere, materialak Liburutegian eska daitezke.

Musika Eskolak ere 40 ikasle ingururekin hasiko du ikasturtea irailaren 14an, eta **Galardi Haur Eskola**k 40 ikasle ingururekin. Kontingentzia planak martxan daude eta dagoeneko gurasoek zein ikasleek informazio guztia jaso dute.

Azkenik, **Basteroko erakusketa-aretoa** ere martxan jarriko da. Irailaren 14tik aurrera astelehenetik ostiralera egongo da zabalik aretoa 18:30etik 20:00etara, baina astearteetan itxita egongo da. Larunbatetan 10:30etik 13:00etara eta 16:30etik 20:00etara egongo da zabalik. Lehenengo erakusketa Andoaingo emakume langileei buruzko 270 piezako argazki-erakusketa bat izango da, herriko *Itsaso Mendiluze* artistarena, Covid-19agatik bertan behera utzia. Ondoren, Ondarreta ikastetxearen 50. urteurrenako erakusketa egingo da bisita gidatuekin eta abenduan beste erakusketa bat izango da hainbat mendetako euskal janzkeraren inguruan.

Txitxu Ruiz kultura zinegotziak "kultur zerbitzuez gozatzeko" deia egin du, "Segurtasun arauak betez, modu seguruan". Zaindu dezagun kultura!

Kontsultatu neurriak:

<https://cutt.ly/ufYMF1e>